

Reglugerð framkvæmdastjórnarinnar (EB) nr. 1166/2009

2012/EES/54/97

frá 30. nóvember 2009

um breytingu og leiðréttingu á reglugerð framkvæmdastjórnarinnar (EB) nr. 606/2009 um tilteknar, ítarlegar reglur um framkvæmd reglugerðar ráðsins (EB) nr. 479/2008 að því er varðar flokka vinnræktarafurða, vínfraeðilegar vinnsluaðferðir og takmarkanir þar að lútandi (*)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EB) nr. 1234/2007 frá 22. október 2007 um sameiginlegt markaðskerfi í landbúnaði og um sértæk ákvæði varðandi tilteknar landbúnaðarvörur (reglugerðin um eitt sameiginlegt markaðskerfi) ⁽¹⁾, einkum 2. mgr. 113. gr. d og þriðju og fjórðu undirgrein 121. gr.,

og að teknu tilliti til eftirfarandi:

- 1) Vernduðu upprunatáknarnir „Prosecco di Conegliano Valdobbiadene“ og „Montello e Colli Asolani“ eru nefndar í reglugerð framkvæmdastjórnarinnar (EB) nr. 606/2009 ⁽²⁾. Í stað þessara tákna komu vernduðu upprunatáknarnir „Prosecco“, „Conegliano Valdobbiadene — Prosecco“, „Colli Asolani — Prosecco“ og „Asolo — Prosecco“, með ítölsku tilskipuninni frá 17. júlí 2009 sem birt var í ítölsku stjórnartíðindunum *Gazzetta Ufficiale della Repubblica italiana* nr. 173 frá 28. júlí 2009.
- 2) Í þeirri tilskipun er vínviðaryrkið „Prosecco“ nú nefnt „Glera“. Til að koma í veg fyrir rugling milli heitisins á vernduðu upprunatáknuninni „Prosecco“ og heitisins á vínviðaryrkinu skal heitið „Glera“ koma í stað heitisins „Prosecco“ þegar um er að ræða vínviðaryrkið í reglugerð (EB) nr. 606/2009.
- 3) Ítölsk yfirvöld hafa tilkynnt opinberlega að „Prosecco/Glera“ vínviðaryrkið megji ekki rækta í héraðinu Trentino-Alto Adige og því skal í reglugerð (EB) nr. 606/2009 ekki lengur nefna það svæði sem eitt þeirra svæða þar sem framleiða má þetta yrki.
- 4) Í 7. viðbæti I. viðauka A við reglugerð (EB) nr. 606/2009 er prentvilla í kröfunum um meðferð með rafskiljun. Einingarnar sem gilda um hámarksgildi í herminum skulu gefnar upp í µg/l en ekki í g/l.

(*) Þessi EB-gerð birtist í Stjtið. ESB L 314, 1.12.2009, bls. 27. Hennar var getið í ákvörðun sameiginlegu EES-nefndarinnar nr. 143/2012 frá 13. júlí 2012 um breytingu á bókun 47 við EES-samninginn um afnám tæknilegra hindrana í viðskiptum með vín, biður birtingar.

⁽¹⁾ Stjtið. ESB L 299, 16.11.2007, bls. 1.

⁽²⁾ Stjtið. ESB L 193, 24.7.2009, bls. 1.

5) Rétt er að breyta og leiðrétta reglugerð (EB) nr. 606/2009 til samræmis við það.

6) Reglugerð (EB) nr. 606/2009 tók gildi 1. ágúst 2009. Þessar breytingar og leiðréttingar skulu gilda afturvirkir frá og með 1. ágúst 2009 til að þær séu í samræmi við ítalska löggjöf og til að tryggja einsleitni í beitingu vínfraeðilegra vinnsluaðferða í uppskeru ársins 2009.

7) Rádstafanirnar, sem kveðið er á um í þessari reglugerð, eru í samræmi við álit stjórnsýslunefndarinnar sem komið var á fót skv. 3. mgr. 195. gr. reglugerðar (EB) nr. 1234/2007.

SAMÞYKKT REGLUGERÐ ÞESSA:

I. gr.

Breyting á reglugerð (EB) nr. 606/2009

Ákvæðum II. viðauka við reglugerð (EB) nr. 606/2009 er breytt sem hér segir:

1. Í stað annars málsliðar a-liðar 4. mgr. í B-hluta komi eftirfarandi:

„Þó má framleiða ilmrið gæðafreyðivín á hefðbundinn hátt með því að bæta við vínlögunina vínunum sem eru framleidd úr þrúgum af vínviðaryrkinu „Glera“ sem eru tíndar í héruðunum Veneto og Friuli-Venezia Giulia.“

2. Ákvæðum C-hluta er breytt sem hér segir:

a) Í stað 2. mgr. komi eftirfarandi:

„2. Heildaralkóhólstyrkleiki vínlagananna, sem ætlaðar eru til framleiðslu á gæðafreyðivínunum með vernduðu upprunatáknunum „Prosecco“, „Conegliano Valdobbiadene — Prosecco“ og „Colli Asolani — Prosecco“ eða „Asolo — Prosecco“ og eru tilreiddar úr einu vínviðaryrki, skal ekki vera minni en 8,5% miðað við rúmmál.“

b) Í stað annars málsliðar a-liðar 9. mgr. komi eftirfarandi:

„Með undanþágu er heimilt að framleiða ilmrík gæðafreyðivín með verndaða upprunatáknun með því að nota vín úr þrúgum af „Glera“-vínviðaryrkinu, sem eru tíndar í tilgreindum héruðum vernduðu upprunatáknanna „Prosecco“, „Conegliano-Valdobbiadene — Prosecco“, „Colli Asolani — Prosecco“ og „Asolo — Prosecco“, sem innihaldsefni í vínlögunina,“.

3. Í 1. viðbæti komi heitið „Glera“ á eftir heitinu „Girò N“ og heitið „Prosecco“ falli brott.

2. gr.

Leiðrétting á reglugerð (EB) nr. 606/2009

Í stað þriðja málsliðar í sjöttu undirgrein liðar 1.4 í 7. viðbæti I. viðauka A við reglugerð (EB) nr. 606/2009 komi eftirfarandi:

„Hámarks magn allra ákvarðaðra efnasambanda í herminum skal samanlagt vera innan við 50 µg/l.“

3. gr.

Gildistaka og beiting

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. ágúst 2009.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 30. nóvember 2009.

Fyrir hönd framkvæmdastjórnarinnar,

Mariann FISCHER BOEL

framkvæmdastjóri